

須陀洹果證彼於今日年耆根熟無有錢財
無有方便無所堪能不復堪能苦覓錢財亦
不能得勝過人法

亦時世尊復說偈言

不行梵行故 不得年少財 思惟古昔事
眠地如曲弓 不修於梵行 不得年少財

猶如老鷓鳥 守死於空池

佛說此經已尊者阿難陀聞佛所說歡喜奉行

如是我聞一時佛住舍衛國祇樹給孤獨園
如上說差別者唯說異偈言

老死之所壞 身及所受滅 唯有惠施福
為隨已資糧 依於善攝護 及修禪功德

隨力而行施 錢財及飲食 於羣則眠覺
非為空自活

十七末

雜阿含經卷第四十二

匿反呈力稚反直利術策上音述下敵徒的迥若
壤反汝卉反詩鬼洽反侯夾獵反良輒顛顛反自

下才鄙反卑美跨反傾化點反開八與余預謙苦兼
迨音頃反傾領音鑿反苦亥瑕穢反音遺
唯醉反肥反房非喘反尺軟反脯反丑恭反虐反魚却反全反蒲反問
秃反他谷數數反音植反常力妊而反禁反秋反子反由反吒反家
價反豔反傑反偃反背反主反鳥反蹲反踞反下反音反濛反鵠反胡反篤

雜阿含經卷第四十二

不三

宋天竺三藏求那跋陀羅譯

如是我聞一時佛住波羅柰國仙人住處鹿
野苑中時有衆多比丘集於講堂作如是論
諸尊如世尊說波羅延低舍彌德勒所問
若知二邊者 於中永無著 說名大丈夫

不顧於王欲 無有煩惱錄 超出縫紵憂
諸尊此有何義云何邊云何二邊云何為中
云何為縫紵云何思以智知以了了知所知
了了了作苦邊脫於苦有一答言六內入處
是一邊六外入處是二邊受是其中愛為縫
紵習於受者得彼彼因身漸漸增長出生於

此即法以智知以了了智所知了了所了作苦邊脫於苦復有說言過去世是一邊未來世是二邊現在世名為中愛為縫紮習近此愛彼彼所因身漸觸增長出生乃至脫苦復有說言樂受者是一邊苦受者是二邊不苦不樂是其中愛為縫紮習近此愛彼彼所得自身漸觸增長出生乃至脫苦復有說言有者是一邊集是二邊受是其中愛為縫紮如是廣說乃至脫苦復有說言身者是一邊身集是二邊愛為縫紮如是廣說乃至脫苦復有說言我等一切所說不同所謂向來種種異說要不望知云何世尊有餘之說波羅延低舍彌德勒所問經我等應往具問世尊如世尊所說我等奉持今時衆多比丘詣世尊所誓首禮足退坐一面白佛言世尊向諸比丘集於講堂作如是言於世尊所說波羅延低舍彌德勒所問經所謂二邊乃至脫苦有人說言內六入處是說一邊外六入處是說二

邊受是其中愛為縫紮如前廣說悉不決定今日故來請問世尊具問斯義我等所說誰得其義佛告諸比丘汝等所說皆是善說我今當為汝等說有餘經我為波羅延低舍彌德勒有餘經說謂觸是一邊觸集是二邊受是其中愛為縫紮習近愛已彼彼所得身緣觸增長出生於此法以智知以了了知所知了了作苦邊脫於苦佛說此經已諸比丘聞佛所說歡喜奉行

如是我聞一時尊者賓頭盧在拘睺彌國瞿師羅園時有婆蹉國王名優陀延那詣尊者賓頭盧所共相問評問評已退坐一面婆蹉

不二

二

王優陀延那白尊者賓頭盧言欲有所問寧有閑暇見答與不尊者賓頭盧答言大王大王且問知者當答婆蹉王優陀延那問尊者賓頭盧何因何緣新學年少比丘於此法律出家未久極安樂住諸根欣悅顏貌清淨膚色鮮白樂靜少動任他而活野獸其心堪能

盡壽修持梵行純一清淨尊者賓頭盧言
如佛所說如來應正等覺所知所見爲比丘
說汝諸比丘若見宿人當作母想見中年者
作姊妹想見幼稚者當作女想以是因緣年
少比丘於此法律出家未久安隱樂住諸根
敷悅顏貌清淨膚色鮮白樂靜少動任他而

活野獸其心能盡壽修持梵行純一清淨婆
磻王優陀延那語尊者賓頭盧言今諸世間
貪求之心若見宿人而作母想見中年者作
姊妹想見幼稚者而作女想當於小時心亦
隨起貪欲燒然瞋恚燒然愚癡燒然要當更
有勝因緣不尊者賓頭盧語婆蹉王優陀延

那更有因緣如世尊說如來應等正覺所知
所見爲比丘說此身從足至頂骨幹肉塗覆
以薄皮種種不淨充滿其中周遍觀察髮毛
爪齒塵垢流涎皮肉白骨筋脉心肝脾腎
腸肚生藏熟藏胞淚汗涕沫肪脂髓痰瘡膿
血腦汁屎尿大王此因此緣故年少比丘於

三

三

此法律出家未久安隱樂住乃至純一滿淨
婆蹉王優陀延那語尊者賓頭盧人心飄疾
若觀不淨隨淨想現頗更有因緣今年少比
丘於此法律出家未久安隱樂住乃至純一
滿淨不尊者賓頭盧言大王有因有緣如世
尊說如來應等正覺所知所見告諸比丘汝

等應當守護根門善攝其心若眼見色時莫
取色相莫取隨形好增上執持若於眼根不
攝斂任則世間貪憂惡不善法則漏其心是
故汝等當受持眼律儀耳聲鼻舌舌味身觸
意法亦復如是乃至受持意律儀小時婆蹉
王優陀延那語尊者賓頭盧善哉善說法乃

至受持諸根律儀尊者賓頭盧我亦如有是
時不守護身不持諸根律儀不一其念入於
宮中其心極生貪欲熾然愚癡燒然正使閉
房獨處亦復三毒燒然其心況復宮中又我
有時善護其身善攝諸根專一其念入於宮
中貪欲熾然不起燒然其心於內宮中尚不

燒身亦不燒心況復閑獨以是之故此因此緣能令年少比丘於此法律出家未久安隱樂住乃至純一滿淨時婆蹉王優陀延那聞尊者賓頭盧所說歡喜隨喜從座起去

如是我聞一時佛住拘睺彌國瞿師羅園介時世尊告諸比丘有手故知有取捨有足故

知有往來有關節故知有屈伸有腹故知有飢渴如是比丘有眼故眼觸因緣生受內覺若苦苦樂不苦不樂耳鼻舌身意亦復如是諸比丘苦無手則不知取捨若無足則不知往來若無關節則不知有屈伸若無腹則不知有飢渴如是諸比丘若無眼則無眼觸因

緣生受內覺若苦苦樂不苦不樂耳鼻舌身意亦復如是佛說此經已諸比丘聞佛所說歡喜奉行

如是我聞一時佛住拘睺彌國瞿師羅園介時世尊告諸比丘過去世時有河中草有龜於中住止時有野干飢行覓食遙見龜蟲疾

不三

四

來捉取龜蟲見來即便藏六野干守伺翼出頭足欲取食之久守龜蟲永不出頭亦不出足野干飢乏瞋恚而去諸比丘汝等今日亦復如是知魔波旬常伺汝便翼汝眼著於色耳聞聲鼻嗅香舌嘗味身著觸意念法欲今出生染著六境是故比丘汝等今日常當執

持眼律儀住執持眼根律儀住惡魔波旬不得其便隨出隨緣耳鼻舌身意亦復如是於其六根若出若緣不得其便猶如龜蟲野干不得其便尔時世尊即說偈言

龜蟲畏野干 藏六於殼內 比丘善攝心
密藏諸覺想 不依不怖彼 覆心勿言說

佛說此經已諸比丘聞佛所說歡喜奉行

如是我聞一時佛住拘睺彌國瞿師羅園介時世尊告諸比丘譬如麤麥著四衢道頭有六壯夫執杖共打須臾塵碎有第七人執杖重打諸比丘於意云何如麤麥聚六人共打七人重打當極碎不諸比丘白佛言如是世

尊佛告諸比丘如是愚癡士夫六觸入處之所推打何等為六謂眼觸入處常所推打耳鼻舌身意觸入處常所推打彼愚癡士夫為六觸入處之所推打猶復念求當來世有如第七人重打令碎比丘若言是我是則動搖言是我所是則動搖未來當有是則動搖未

不二

來當無是則動搖當復有色是則動搖當復無色是則動搖當復有想是則動搖當復無想是則動搖當復非有想非無想是則動搖動搖故病動搖故癡動搖故刺動搖故著正觀察動搖故苦者得不動搖心多修習住繫念正知如動搖如是思量虛誑有行因受言

我是則為愛言我所是則為愛言當來有是則為愛言當來無是則為愛言有色是則為愛當無色是則為愛當有想是則為愛當無想是則為愛當非想非非想是則為愛愛故為病愛故為癡愛故為刺若善思觀察愛生苦者當多住離愛心正念正知諸比丘過去

世時阿脩羅與軍與帝釋鬪時天帝釋告三十三天今日諸天阿脩羅共戰若諸天勝阿脩羅不如者當生執阿脩羅縛以五繫送還天宮阿脩羅語其眾言今阿脩羅軍與諸天戰若阿脩羅勝諸天不如者當生執帝釋縛以五繫還歸阿脩羅宮當其戰諍諸天得勝

阿脩羅不如時三十三天生執毗摩質多羅阿脩羅王縛以五繫還歸天宮尔時毗摩質多羅阿脩羅王身被五繫置於正法殿上以種種天五欲樂而娛樂之毗摩質多羅阿脩羅王作是念唯阿脩羅賢善聰慧諸天雖善我今且當還歸阿脩羅宮作是念時即自見身被五繫縛諸天五欲自然化沒毗摩質多羅阿脩羅王復作是念諸天賢善智慧明徹諸阿脩羅雖善我今且當住此天宮作是念時即自見身五縛得解諸天五欲自然還出毗摩質多羅阿脩羅王乃至有如是微細之縛魔波旬縛轉細於是心動搖時魔即隨縛

心不動搖魔即隨解是故諸比丘多住不動
搖心正念正智應當學佛說此經已諸比丘
聞佛所說歡喜奉行

如是我聞一時佛住拘睺彌國瞿師羅園
時世尊告諸比丘若有比丘比丘尼眼識色
因緣生若欲若貪若昵若念若決定著處於

不三

六

彼諸心善自防護所以者何此等皆是恐畏
之道有礙有難此惡人所依非善人所依是
故應自防護耳鼻舌身意亦復如是譬如田
夫有好田苗其守田者懶惰放逸欄牛噉食
愚癡凡夫亦復如是六觸入處乃至放逸亦
復如是若好田苗其守田者心不放逸欄牛

不食設復入田盡驅令出所謂若心若意若
識多聞聖弟子於五欲功德善自攝護盡上
令滅若好田苗其守護田者不自放逸欄牛
入境左手牽鼻右手執杖遍身推打驅出其
田諸比丘於意云何彼牛遭苦痛已從村至
宅從宅至村復當如前過食田苗不荅言不

也世尊所以者何憶先入田遭捶杖苦故如
是比丘若心若意若識多聞聖弟子於六觸
入處極生厭離恐怖内心安住制令一意諸
比丘過去世時有王聞未曾有好彈琴聲極
生愛樂耽湏深著問諸大臣此何等聲甚可
愛樂大臣荅言此是琴聲王語大臣取彼聲

來大臣受教即往取琴來白言大王此是琴
作好聲者王語大臣我不用琴取其先聞可
愛樂聲來大臣荅言如此之琴有衆多種具
謂有柄有槽有麗有絃有技巧方便人彈之
得衆具因緣乃成音聲非不得衆具而有音
聲前所聞聲久已過去轉亦盡滅不可持來

不三

七

尔時大王作如是言咄何用此虛偽物為世
間琴者是虛偽物而今世人耽湏深著汝今
持去片片折破棄於十方大臣受教析為百
分棄於處處如是比丘若色受想思欲知此
諸法無常有為心因緣生而便說言是我我
所彼於異時一切悉無諸比丘應作如是平

等正智如實觀察佛說此經已諸比丘聞佛所說歡喜奉行

如是我聞一時佛在拘睢彌國瞿師羅園介時世尊告諸比丘如癩病人四體瘡壞入茅荻中為諸刺葉針刺所傷倍增苦痛如是愚癡凡夫六觸入處受諸苦痛亦復如是如彼癩人為草葉針刺所傷膿血流出如是愚癡凡夫其性弊暴六觸入處所觸則起瞋恚惡聲流出如彼癩人所以者何愚癡無聞凡夫心如癩瘡我今當說律儀不律儀云何律儀云何不律儀愚癡無聞凡夫眼見色已於可念色而起貪著不可念色而起瞋恚於彼次第隨生眾多覺想相續不見過患復見過患不能除滅耳鼻舌身意亦復如是比丘是名不律儀云何律儀多聞聖弟子若眼見色於可念色不起欲想不可念色不起恚想次第不起眾多覺想相續住見色過患見過患已能捨離耳鼻舌身意亦復如是是名律儀佛

說此經已諸比丘聞佛所說歡喜奉行

如是我聞一時佛在拘睢彌國瞿師羅園介時世尊告諸比丘譬如士夫遊空宅中得六種眾生一者得狗即執其狗繫著一處次得其鳥次得毒蛇次得野干次得失收摩羅次得獼猴得斯眾生悉縛一處其狗者樂欲入村其鳥者常欲飛空其蛇者常欲入穴其野干者樂向塚間失收摩羅者長欲入海獼猴者欲入山林此六眾生悉繫一處所樂不同各各嗜欲到所安處各各不相樂於他處而繫縛故各各用其力向所樂方而不能脫如是六根種種境界各各自求所樂境界不樂

不三

八

餘境界眼根常求可愛之色不可意色則生其厭耳根常求可意之聲不可意聲則生其厭鼻根常求可意之香不可意香則生其厭舌根常求可意之味不可意味則生其厭身根常求可意之觸不可意觸則生其厭意根常求可意之法不可意法則生其厭此六種

根種種行處種種境界各各不求異根境界此六種根其有力者堪能自在隨覺境界如彼士夫繫六衆生於其堅柱正出用力隨意而去往反疲極以繩繫故終依於柱諸比丘我說此譬欲爲汝等顯示其義六衆生者譬猶六根堅柱者譬身念處若善修習身念處有念不念色見可愛色則不生著不可愛色則不生厭耳聲鼻舌味身觸意法於可意法則不求欲不可意法則不生厭是故比丘當勤修習多住身念處佛說此經已諸比丘聞佛所說歡喜奉行

時世尊告諸比丘譬如有四虺蛇克惡毒虐盛一篋中時有士夫聰明不愚有智慧求樂厭苦求生厭死時有一士夫語向士夫言汝今取此篋盛毒蛇摩拭洗浴恩親養食出內以時若四毒蛇脫有惱者或能殺汝或令近死汝當防護尔時士夫恐怖馳走忽有五怨

不三

九

拔刀隨逐要求欲殺汝當防護尔時士夫畏四毒蛇及五拔刀怨驅馳而走人復語言士夫內有六賊隨逐伺汝得便當殺汝當防護尔時士夫畏四毒蛇五拔刀怨及內六賊恐怖馳走還入空村見彼空舍危朽腐毀有諸惡物捉皆危脆無有堅固人復語言士夫是空聚落當有羣賊來必掩虐汝尔時士夫畏四毒蛇五拔刀賊內六惡賊空村羣賊而復馳走忽尔道路臨一大河其水浚急但見此岸有諸怖畏而見彼岸安隱快樂清涼無畏無橋船可度得至彼岸作是思惟我取諸草木縛束成棧手足方便度至彼岸作是念已即拾草木依於岸傍縛束成棧手足方便截流橫度如是士夫免四毒蛇五拔刀怨六內惡賊復得脫於空村羣賊度於浚流離於此岸種種怖畏得至彼岸安隱快樂我說此譬當解其義比丘篋者譬此身色蘆四大四大所造精血之體穢食長養沐浴衣服無常變

壞危脆之法毒蛇者譬四大地界水界火界風界地界若諍能令身死及以近死水火風諍亦復如是五拔刀怨者譬五受陰六內賊者譬六愛喜空村者譬六內入善男子觀察眼入處是無常變壞執持眼者亦是無常虛偽之法耳鼻舌身意入處亦復如是空村羣賊者譬外六入處眼為可意不可意色所害耳聲鼻香舌味身觸意為可意不可意法所害沒流者譬四流欲流有流見流無明流河者譬三愛欲愛色愛無色愛此岸多恐怖者譬有身彼岸清涼安樂者譬無餘涅槃者譬八正道手足方便截流度者譬精進勇猛到彼岸婆羅門住處者譬如來應等正覺如是比丘大師慈悲安慰弟子為其所作我今已作汝今亦當作其所作於空閑樹下房舍清淨敷草為座露地塚間遠離邊坐精勤禪思慎莫放逸今後悔恨此則是我教授之法佛說此經已諸比丘聞佛所說歡喜奉行

不三

十

如是我聞一時佛住拘睺彌國瞿師羅園介時世尊告諸比丘多聞聖弟子於一切苦法集滅味患離如實知見見五欲猶如火坑如是觀察五欲已於五欲貪欲愛欲念欲者不永覆心知其欲心行處住處而自防閑行處住處逆防閑已隨其行處住處世間貪憂惡不善法不漏其心云何名為多聞聖弟子於一切苦法集滅味患離如實知見多聞聖弟子於此苦聖諦如實知此苦集此苦滅此苦滅道跡聖諦如實知是名多聞聖弟子於一切苦法集滅味患離如實知見云何多聞聖弟子見五欲如火坑乃至世間貪憂惡不善法不永覆心譬如近一聚落邊有深坑滿中盛火無有煙燄時有士夫不愚不癡聰明點慧樂樂厭苦樂生惡死彼作是念此有火坑滿中盛火我若墮中必死無疑於彼生遠思遠欲遠如是多聞聖弟子見五欲如火坑乃至世間貪憂惡不善法不永覆心若行處住

處逆防逆知乃至世間貪憂惡不善法不漏
 其心譬如聚落邊有柰林多諸棘刺時有士
 夫人於林中有所營作入林中已前後左右
 上下盡有棘刺亦時士夫正念而行正念來
 去正念明目正念端視正念屈身所以者何
 莫令利刺傷壞身故多聞聖弟子亦復如是

十三

十一

若依聚落城邑而住晨朝著衣持鉢入村乞
 食善護其身善執其心正念安住正念而行
 正念明目正念觀察所以者何莫令利刺傷
 聖法律云何利刺傷聖法律謂可意愛念之
 色是名利刺傷聖法律云何是可意愛念之
 色傷聖法律謂五欲功德眼識色生愛念長

養欲樂耳識聲鼻識香舌識味身識觸生愛
 念長養欲樂是名可愛念色傷聖法律是名
 多聞聖弟子所行處所住處逆防逆知乃至
 不令世間貪憂不善法以漏其心或時多聞
 聖弟子失於正念生惡不善覺長養欲長養
 志長養癡是鈍根多聞聖弟子雖起集滅以

欲覆心譬如鐵丸燒令極熱以少水灑尋即
 乾消如是多聞聖弟子鈍根生念尋滅如是
 多聞聖弟子如是行如是住若王大臣若親
 往詣其所請以俸祿語言男子何用剃髮執
 持瓦器身著袈裟家家乞食為不如安慰服
 五欲樂行施作福云何比丘多聞聖弟子國

王大臣諸親檀越請以俸祿彼當還戒退滅
 以不答曰不也所以者何多聞聖弟子於一
 切苦法集滅味患離如實知見故見火坑譬
 五欲乃至世間貪憂惡不善法不永覆心行
 處住處逆防逆知乃至世間貪憂惡不善法
 不漏其心若復為國王大臣親族請以俸祿

遠戒退滅無有是處佛告諸比丘善哉善哉
 彼多聞聖弟子其心長夜臨趣流注浚輸向
 於遠離向於離欲而於涅槃寂靜捨離樂於
 涅槃於有漏處寂滅清涼若為國王長者親
 族所請還戒退滅者無有是處餘得大苦譬
 如恒河長夜臨趣流注浚輸東方多眾斷截

欲令臨趣流注浚輸西方寧能得不答言不能世尊所以者何恒水長夜流注東方欲令西流未而可得彼諸大衆徒辛苦耳如是多聞聖弟子長夜臨趣流注浚輸向於遠離乃至欲令退減無有是處徒辛苦耳佛說此經已諸比丘聞佛所說歡喜奉行

不三

十三

如是我聞一時佛住阿毗閻恒水邊時有比丘來詣佛所誓首佛足退住一面向佛言善哉世尊爲我說法我聞法已獨一靜處專精思惟不放逸住所以族姓子剃除鬚髮正信非家出家學道於上增修梵行見法自知作證我生已盡梵行已立所作已作自知不受

後有少時世尊觀察恒水見恒水中有一大樹隨流而下語彼比丘汝見此恒水中大樹流不答言已見世尊佛告比丘此大樹不著此岸不著彼岸不沉水底不闍洲渚不入洄瀆人亦不取非人不取又不腐敗當隨水流順趣流注浚輸至大海不比丘白佛如是世

尊佛言比丘亦復如是亦不著此岸不著彼岸不沉水底不闍洲渚不入洄瀆人亦不取非人不取又不腐敗當隨水流臨趣流注浚輸涅槃比丘白佛云何此岸云何彼岸云何沉沒云何洲渚云何洄瀆云何人取云何非人取云何腐敗善哉世尊爲我廣說我聞法

已當獨一靜處專精思惟不放逸住乃至自知不受後有

佛告比丘此岸者謂內六入處彼岸者謂六外入處人取者猶如有一習近俗人及出家者若喜若憂若苦若樂彼彼所作悉與共同始終相隨是名人取非人取者猶如有人願修

不三

十三

梵行我今持戒苦行修諸梵行當生在處在處天上是非人取洄瀆者猶如有一還戒退轉腐敗者犯戒行惡不善法腐敗寡聞猶若稗吹貝之聲非沙門爲沙門像非梵行爲梵行像如是比丘是名不著此彼岸乃至浚輸涅槃時彼比丘聞佛所說歡喜隨喜作禮而

去時彼比丘獨一靜處思惟佛所說水流大樹經教乃至自知不受後有得阿羅漢時有牧牛人名難屠去佛不遠執杖牧牛比丘去已詣世尊所誓首禮足於一面住白佛言世尊我今堪能不著此岸不著彼岸不沉沒不闕洲渚非人所取不非人取不入洄復亦不

腐敗我得於世尊正法律中出家修梵行不佛告牧牛者汝送牛還主不牧牛者言諸牛中悉有犢牛自能還歸不須送也但當聽我出家學道佛告牧牛者牛雖能還家汝已受人衣食要當還報其家主時牧牛者聞佛教已歡喜作禮而去

時尊者舍利弗在此舍中牧牛者去不久白佛言世尊難屠牧牛者求欲出家世尊何故遣還歸家佛告舍利弗難屠牧牛者若還在家受五欲者無有是處牛付主人已輒自當還於此法律出家學道淨修梵行乃至自知不受後有得阿羅漢時難屠牧牛者以牛付

主人已還至佛所誓首禮足退住一面白佛言世尊牛已付主聽我於正法律出家學道佛告難屠牧牛者汝得於此法律出家受具足得比丘分出家已思惟所以族姓子剃除鬚髮著袈裟衣正信非家出家學道增修梵行乃至自知不受後有成阿羅漢

如是我聞一時佛住舍衛國祇樹給孤獨園時有異比丘獨處坐禪作是思惟比丘云何知云何見得見清淨作是念已詣諸比丘語諸比丘言諸尊比丘云何知云何見今見清淨比丘答言尊者於六觸入處集滅味患離如實正知比丘作如是知如是見者得見清三
十四

淨是比丘聞彼比丘記說心不歡喜復詣餘比丘所問彼比丘言諸尊比丘云何知云何見得見清淨彼比丘答言於六界集滅味患離如實正知如是比丘如是知如是見得見清淨時比丘聞其記說心亦不喜復詣餘比丘作是問言比丘云何知云何見得見清淨

彼比丘荅言於五受陰觀察如病如癰如刺如殺無常苦空非我作如是知如是見得見清淨是比丘聞諸比丘記說心亦不喜往詣佛所稽首禮足退坐一面白佛言世尊我獨靜思惟比丘云何知云何見得見清淨作是念已詣諸比丘三處所說具白世尊我聞彼說心不歡喜來詣世尊故以此義請問世尊比丘云何知云何見得見清淨佛告比丘過去世時有一士夫未曾見緊獸往詣曾見緊獸者問曾見緊獸士夫言汝知緊獸不荅言知復問其狀云何荅曰其色黑如火燒柱當彼見時緊獸黑色如火燒柱時彼士夫聞緊獸黑色如火燒柱不大歡喜復更詣一曾見緊獸士夫復問彼言汝知緊獸不彼荅言知復問其狀云何彼曾見緊獸士夫荅曰其色赤而開敷狀似肉段彼人見時緊獸開敷實似肉段是士夫聞彼所說猶復不喜復更詣餘曾見緊獸士夫問汝知緊獸不荅言知復

不三

十五

問其狀云何荅言綈綈下垂如尸利沙果是人聞已心復不喜復行問餘知緊獸者問汝知緊獸不彼荅言知又問其狀云何彼復荅言其葉青其葉滑其葉長廣如尼拘婁陀樹如彼士夫問其緊獸聞則不喜處處更求而彼諸人見緊獸者隨時所見而為記說是故不同如是諸比丘若於獨處專精思惟不放逸住所因思惟法不起諸漏心得解脫隨彼所見而為記說汝今復聽我說譬其智者以譬喻得解譬如有一邊國王善治城壁門下堅固郊道平正於四城門置四守護悉皆聰慧知其來去當其城中有四郊道安置牀榻城主坐上若東方使來問守門者城主何在彼即荅言主在城中四郊道頭牀上而坐彼使問已往詣城主受其教令復道而還南西北方遠使來人何守門者城主何在彼亦荅言在其城中四郊道頭彼彼聞已悉詣城主受其教令各還本處佛告比丘我說斯譬今當

說義所謂城者以譬人身鹿色如篋毒蛇譬經說善治城壁者謂之正見郊道平正者謂內六入處四門者謂四識住四守門者謂四念處城主者謂識受陰使者謂正觀如實言者謂四真諦復道還者以八聖道佛告比丘若大師為弟子所作我今已作以哀愍故如

篋毒蛇譬經說亦時比丘聞佛說已專精思惟不放逸住增修梵行乃至不受後有成阿羅漢如是我聞一時世尊釋氏人間遊行至迦毗羅衛國住尼拘婁陀園亦時迦毗羅衛釋氏作新講堂未有諸沙門婆羅門釋迦年少及諸人民在中住者聞世尊來至釋氏迦

毗羅衛人間遊行住尼拘婁陀園論苦樂義此堂新成未有住者可請世尊與諸大眾於中供養得功德福報長夜安隱然後我等當隨受用作是議已悉共出城詣世尊所稽首禮足退坐一面亦時世尊為諸釋氏演說要法示教照喜已默然而住時諸釋氏從座起

十三

十六

整衣服為佛作禮右膝著地合掌白佛言世尊我等釋氏新作講堂未有住者今請世尊及諸大眾於中供養得功德福利長夜安隱然後我等當隨受用亦時世尊默然受請時諸釋氏知世尊受請已稽首佛足各還其所即以其日以車輿經紀運其眾具莊嚴新堂敷置牀座軟草布地備香油燈眾事辦已往詣佛所稽首白佛言眾事辦已唯聖知時亦時世尊與諸大眾前後圍遶至新堂外洗足已然後上堂於中柱下東向而坐時諸比丘亦洗足已隨入講堂於世尊後西面東向次第而坐時諸釋氏即於東面西向而坐亦時世尊為諸釋氏廣說法要示教照喜已語諸釋氏瞿曇初夜已過於時可還迦毗羅越時諸釋氏聞佛所說歡喜隨喜作禮而去亦時世尊知釋氏去已告大目犍連汝當為諸比丘說法我今背疾當自消息時大目犍連默然受教亦時世尊四繫鬱多羅僧安置脅下

卷襜僧伽梨置於頭下右脅而卧屈膝壘足
係念明想作起相想思惟尔時大目捷連語
諸比丘佛所說法初中後善善義善味純一
滿淨清白梵行我今當說漏不漏法汝等諦
聽云何爲漏法愚癡無聞凡夫眼見色已於
可念色而起樂著不可念色而起憎惡不住

十三

十七

身念處於心解脫慧解脫無少分智而起種
種惡不善法不無餘滅不無餘永盡耳鼻舌
身意亦復如是比丘如是者天魔波旬往詣
其所伺其虛短於其眼色即得其闕耳聲鼻
香舌味身觸意法亦復如是即得其闕譬如
枯乾草積四方火起尋時即燒如是比丘於
其眼色天魔波旬即得其闕如是比丘不勝
於色於耳聲鼻香舌味身觸意法受制於法
不能勝法不勝色不勝聲香味觸法亦復不
勝意不善法諸煩惱熾然苦報及未來世生
老病死諸尊我從世尊親受於此諸有漏法
是名有漏法經云何無漏法經多聞聖弟子

眼見色於可念色不起樂著不可念色不起
憎惡繫念而住無量心解脫慧解脫如實知
於彼已起惡不善法無餘滅盡耳鼻舌身意
亦復如是如是像類比丘弊魔波旬往詣其
所於其眼色伺求其短不得其短於耳聲鼻
香舌味身觸意法伺求其短不得其短譬如

樓閣墻壁牢固窻戶重閉泥塗厚密四方火
起不能燒然斯等比丘亦復如是弊魔波旬
往詣其所伺求其短不得其短如是比丘能
勝彼色不爲彼色之所勝也勝於聲香味觸
法不爲彼法之所勝也若勝於色勝於聲香
味觸法已亦復勝於惡不善法煩惱熾然苦
報及未來世生老病死我親從世尊面受此
法名無漏法經尔時世尊知大目捷連說
法竟起正身坐繫念在前告大目捷連善哉
善哉目捷連爲人說此經法多所饒益多所
過度長夜安樂諸天世人尔時世尊告諸比
丘汝當受持漏無漏法經廣爲人說所以者

何義具足故法具足故梵行具足故開發神通正向涅槃乃至信心善男子在家出家當受持讀誦廣為人說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園

不三

六

於時世尊告諸比丘譬如灰河南岸極熱多諸利刺在於闇處衆多罪人在於河中隨流飄沒中有一人不愚不癡聰明黠慧樂樂厭苦樂生厭死作如是念我今何緣在此灰河南岸極熱又多利刺在闇冥處隨流漂沒我當以手足方便逆流而上漸見小明其人默念今已疾殆見此小明復運手足勤加方便

遂見平地即住於彼觀察四方見大石山不斷不壞亦不穿穴即登而上復見清涼八分之水所謂冷美輕軟香淨飲時不噎咽中不礙飲已安身即入其中若浴若飲離諸煩惱然後復進登山見七種華謂優鉢羅華鉢曇摩華拘牟頭華分陀利華脩提華彌離

頭提華阿提目多華聞華香已復上石山見四層階堂樓閣即坐其上見五柱帳即入其中斂身正坐種種枕褥散華遍布莊嚴妙好而於其中自恣坐卧涼風四湊令身安隱坐高臨下高聲唱言灰河衆生諸賢正士如彼灰河南岸極熱多諸利刺其處闇冥求出

於彼河中有聞聲者尋聲問言何方得出從何處出其中有言汝何須問何處得出彼喚聲者亦自不知不見從何而出彼亦當復在此灰河南岸極熱多諸利刺於闇冥中隨流來下用問彼為如是比丘我說此譬今當說義灰者謂三惡不善覺云何三欲覺恚覺害

不三

九

覺河者謂三愛欲愛色愛無色愛南岸極熱者謂內外六入處多諸利刺者謂五欲功德闇冥處者謂無明障閉慧眼衆多人者謂愚癡凡夫流謂生死河中有一人不愚不癡者謂菩薩摩訶薩手足方便逆流上者謂精勤修學微見小明者謂得法忍得平地者謂持

戒觀四方者謂見四真諦大石山者謂正見
八分水者謂八聖道七種華者謂七覺分四
層堂者謂四如意足五柱帳者謂信等五根
正身坐者謂無餘涅槃散華遍布者謂諸禪
解脫三昧正受自恣坐卧者謂如來應等正
覺四方風吹者謂四增心見法安樂任舉聲

唱喚者謂轉法輪彼有人問諸賢正士何處
去何處出者謂舍利弗目捷連等諸賢聖比
丘於中有言汝所問彼亦不知不見有所出
處彼亦當復於此灰河南岸極熱多諸利刺
於閻冥處隨流來下者謂六師等諸邪見輩
所謂富蘭那迦葉末伽梨瞿舍梨子跋闍耶
毗羅胫子阿耆多权舍欽婆羅伽拘亶延尼
捷連陀闍提弗多羅及餘邪見輩如是比丘
大師為諸聲聞所作我今已作汝今當作所
作如前篋毒蛇說佛說此經已諸比丘聞佛
所說歡喜奉行

雜阿含經卷第四十三

不三

捺反如苑反鳥阮反縫反紘反上音逢下
反反暇反夏音膚夫音瓜反之巧反涎反似連筋脉反失反染反蹉反何
反反芳反叱反脾腎反下時類忍反反反肥反房非涕沫反下音替反肪
脂反上音痰癢反談反廢音飄反反反搖反伺反相寺反殼反反反角
變反上音俱反直反追反癰反烏反恭反刺反七泗反昵反尼反一閱

吾反既反懶惰反上音早反垂反之委反耽反酒反下音彌反舍反
栖反彼反病反槽反音析反先反擊反癩反音茅荻反下音徒反的反反反弊
反反祭反嗜反欲反視反音虺反許反鬼反篋反苦反怙反脆反七反歲反奄反衣
反反浚反私反聞反棧反音點反八反樂反樂反下音吾反落反反反惡反死反
上反一反棘反刺反上音居反力反反反鈍反徒反田反灑反所反買反俸反房反用
故反一反音刺反下音州反洄反洄反二反復反音反芥反稗反上音界反百反下反吹
洲渚反下音羹反洄反洄反二反復反音反芥反稗反上音界反百反下反吹
具反搏反帶反牧反音耗反蘇反舍反脅反虛反業反卷反襪反上音去反聲反下
積反子反智反噎反咽反上音於反結反反反枕反褥反下音屏反反反湊反舍
反反躐反蘇反安反枳反止反音反直反多反罕反